

近代中國史料叢刊第六十二輯
沈雲龍主編

清宣統朝中日交涉史料

軍機處原藏

文海出版社有限公司印行

[REDACTED]

[REDACTED]

[REDACTED]

[REDACTED]

[REDACTED]

[REDACTED]

[REDACTED]

[REDACTED]

[REDACTED]

清宣統朝中日交涉史料編輯略例

一本編取材於本院所藏之清代軍機處檔案 甲檔冊（檔名約百餘種詳名見本院所刊軍機處檔案目錄） 乙摺包（奏摺按月分包亦有分上半月與下半月者） 編中採取之文件約有上諭奏摺電報各件編印時凡屬於檔冊中者逐件書明載於何檔屬於奏摺者則以每件標題皆有某人摺字樣不再書明爲奏摺已可明瞭故凡不書明載於某檔之文件皆屬於摺包中者

一軍機處檔案除少數原摺外皆爲逐錄之副本清故事京內外奏摺每日硃批後發交軍機大臣軍機處謂之接摺由章京將所接各摺當日別錄一分存檔原摺發還原奏人存檔之件最重視硃批日期（卽到軍機處日期亦卽爲存檔之日期）摺之封面及奏事之尾皆書硃批之月日至原奏日期則附記於硃批月日之下亦不書明爲原奏月日（本院曾以繳回硃批奏摺及上諭與之相互參證知爲原奏日期）然亦有不附記者本編文件排比則以其存檔登記月日爲次定例於下

（甲）有硃批日期並附記原奏月日者於每件標題下小字雙行先書某月日到次書某月日發原奏月日則依原摺格式寫入其硃批月日日期則另行書寫以醒眉目

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



(乙) 凡不附記原奏月日者標題下則小字一行書某月日到摺尾硃批月日仍另行書寫其原奏之月日闕疑

(丙) 只有原奏月日無硃批月日之摺此類多爲原摺且幾全部屬於京內各衙署者因無硃批遂以原摺存檔編印時卽以存檔月日爲到之日期

(丁) 京內各衙署密遞宮廷奏摺皆當日奉硃批故到發月日相同此類奏摺標題下小字一行書某月日不注到發字樣硃批卽書於摺尾原奏月日之下不重書月日既屬簡易與外省摺奏且資區別

一清故事凡事涉機密嘗有密諭密摺此類文書不盡登諸檔冊論或密發摺或留中故一案中之材料有時原摺未見而論旨詳及或論旨未見而摺中陳述非本編之遺漏也更

有少數已經存檔後復遺失者一時搜集容或未備拾遺補闕俟諸異日
一本編各件皆依次編號俾便引用有總號有附件如某一奏摺中附有奏片或其他文件則奏摺爲總號其他爲附件

清宣統朝中日交涉史料卷一

(一) 熱河都統廷杰致外務部電

宣統元年正月初三日到
收發電稿

竊章京辦理敖漢旗拖欠日華洋行三島槍價一案昨經宥電咨呈在案查三島要求將案送部其用意正利在拖延蓋既索得該旗印據又明知該旗一時無款可付故又藉口印據逾期輒將判罰等項任意增加要求送京以稽延日月爲無厭需索之地步無賴情形難以理喻若予送部正墮彼謀日來復經章京准情據理面與確商議卽以該旗印文所許二萬四千四百五十兩零之數爲斷所有印據逾期加索之數一概不認惟認加付此二萬餘金應京之匯水計約需千餘金統計付銀二萬五千餘兩了結再四磋商彼始就範但一經官議卽須付款蒙旗變產追欠決非月日可辦之事勢難守候應由公家提款墊付與洋商截日妥訂合同追銷印據了清轉轄總之買槍涉訟案在理濟法部熱河無案可稽事前實無從防範迨上年夏間槍已運旗經章京聞知派員烙印註冊絕其轉售濟匪之路此實該旗拖欠槍價之根本年秋三島與蒙員呈准法部自行赴旗清理章京慮其牽涉鑛產田地派員伴行嚴密防範不意該旗違與印文認此無理不情之數既不速籌付款又不議明截日嗣至期外逾期利上滾利及今不了後患方長今三島要求急迫章京所擬由公家墊付情

債亦係萬不得已之辦法是否有當請查照先今兩電據情代表請旨訓示遵行如蒙俞允即希速賜電覆由章京遵辦後再行奏咨立案再前電訪聞王子廟喇嘛指地借債一節已提到該喇嘛根訊據供係正案內之雍和宮喇嘛綽依濟會借日華洋行銀三百兩伊又向綽依濟手借用百五十金並無指地私借洋債暨給外人憑據情事合併附陳章京延杰叩冬

(二)南洋大臣端方致外務部電

宣統元年正月初三日對
收發電檔

銅官山事已另電詳陳惟日本思攘沿江權利蓄謀已久英人皆深知之今凱私招日本入股爲原合同所無若竟許之則以後增多交涉辦理更形棘手於中英皆無所利擬請密商朱使設法禁阻利害所在彼必懾然至李使承辦此案前接經帥電謂皖人頗有怨言且從前凱約翰本有邀李充華總辦之說今若授與全權恐輿論更加反對伏懇主尚書鑒察素著中外交推臨城合同即其手訂此事可否即求樞翁偏勞就近與朱使議結則凡取益防損之處必能益臻完善尤爲大局之幸謹併密陳伏希裁酌方冬二

(三)發熱河都統廷杰電

宣統元年正月初四日
收發電檔

宥冬電均悉此案日商於槍價外加算利息鏑虧罰款旅費種種苛索實屬刁狡該蒙旗亦毫無知覺聽其要挾給與印據致此糾葛今尊處擬由公家提款墊付以期了結自屬萬不得已之辦法惟事關提撥公款應由尊處將此案前後詳細情節並現擬辦法及事後如何籌還墊款之處奏明請旨辦理未便由本部據電代奏希查照外務部支

(四)發東三省總督徐世昌電

宣統元年正月初五日
收發電檔

東省鐵路合同訂明該公司總辦由中國選派並可在京都居住中日會議條約亦聲明日本國政府承允按照中俄兩國所訂造路原約實力遵行現在兩國路務日益繁重因我未派總辦遇事不免隔閡擬按照合同請派在京大員查察經理似於交涉事宜較有裨益尊意如何希即密復外務部歌

(五)東三省總督徐世昌致外務部電

宣統元年正月初七日到
收發電檔

歌電敬悉按東省鐵路原訂合同應由中國選派總辦因我國未派誠如鈞示路務不免隔

聞今擬按照合同請派在京大員查察綜理具級卓識愚見俄日各設專員我國似宜分派
兩大員一駐哈爾濱一駐大連灣或專派一員駐適中之地兼攝東清南滿路務較在京都
尤爲聯絡查俄國總局設於森彼得堡分局設於哈爾濱弊竇甚多日本局廠設於大連總
裁副總裁均常川住此經營奉天亦設公所總裁諸人時常來往辦理甚爲得法日有進步
我國派人似應稍爲變通常住東省與其總辦總裁時時接洽所有路務從前吃虧之處亦
可稍爲補救派出之員仍須到森都與其總局接晤到東京與其遞信省後藤接洽方得要
領且該路情形又與昔年初修時不同彼前僅止買地勘路前派大臣常住京城不移外間
情形已有許多吃虧之處現在所開商埠皆附近鐵路俄路展地伐木日路有附屬地名目
彼之與商移民設警設自治會爭收稅權種種與我地方關係政權利權事務繁要競爭不
已是以甚盼派幹練專員經理其事或通俄法文或通英日文尤爲得力必須常川住東隨
時與三省督撫討論經營該員仍應隨時進京稟承鈞部指示仍與住京相同總之此後東
清南滿路務關涉商務民務政權利權甚大彼之日文經營進求不已我必須有以應之也
愚昧之見僅就現在情形約陳大略先此密覆仍希鈞裁核奪是幸昌虞

(六)發東三省總督徐世昌電

宣統元年正月初七日
收發電檔

昨又與日使晤商新法路事伊稱奉政府電稱如中國必欲築造此路則須允日本由鐵嶺至法庫門達鄭家屯造一支路方可詰以平行究以距離若干里方能允行伊云現在中國擬築之路綫離南滿路僅華里五十四里即稍離法庫門仍屬平行若由新民起往西不經法庫出彰武台門不往北行或可請示政府辦理云云日使所稱要築至鄭家屯支路萬無商辦之理惟出彰武台門往西築造有無可謀利益之處希飭詳查情形迅即電復外務部陽

(七)東三省總督徐世昌致外務部電

宣統元年正月初十日到
收發電檔

接陽電所示與日使晤商新法路事並以出彰武台門往西築造有無利益可謀希飭查電復等情祇悉日使要求如允其由鐵嶺至法庫門達鄭家屯造一枝路方可允我接修新法鐵路此事萬難允准緣我所擬造由新至法之路非至法而止仍擬向北銜接達洮底再至齊齊哈爾等處倘允日人接修至鄭家屯中途即被其隔斷鄭家屯即遼源州伸出法庫二百四十里將來藉詞阻撓我地方行政或隨意佔據蒙荒為鐵路附屬地種種後患不堪設

想茲事重大恐於東省之西北一隅大受影響至日使云若由新民起往西不經法庫門出彰武台門不往北行或可請示其政府酌辦一層查出彰武台門往西一帶地方沙漠曠荒居多人烟寥落出產無幾若於該處建築鐵路絕少利益可謀日人亦明知之而故以此言對付想係詞窮敷衍總之日使所商由鐵嶺達鄭家屯之路無論伊如何措詞斷難答應以防日後枝節橫生鈞見已鑒及此無任仰佩按現時南滿幹綫交涉尙多未結如再允添枝路勢必一波未息一波又起殊於大局有所未便此次提議新法路事彼如堅詞拒之不能理論祇可暫作紆緩推宕之詞以試看其意旨如何我再另行設法或由錦州或由新民以西別站接修達洮南而至齊齊哈爾仍俟通盤密爲籌計酌量妥協再行定局是否有當伏祈大部鈞裁密核施行彼利先議新法我應先議延吉操縱緩急悉賴鈞部核爲荷昌青

(八)發東三省總督徐世昌電

宣統元年正月初十日
收發電稿

安奉路事日使聲明仍照原定收回年限似不能阻止勘估惟須聲明此係中國政府格外通融之意日本政府當諒悉此意於他項交涉亦當通融商辦等語希酌核照會日領派員會同勘估尊處如無相當人員當知照郵部派往卽電復外務部蒸

(九)東三省總督徐世昌致外務部電

宣統元年正月十一日到
收發電稿

蒸電敬悉安奉路事日使既允照原定收回年限並聲明認係中國政府格外通融日政府亦當於他項交涉通融商辦查前爲京奉路藩站接移近城迭次磋商日政府阻不承認今有此機會擬請大部即與續議諒可有成至照會日領派員會同勘估敝處尙有相當人員可以派往惟事隸郵部應請大部知會郵派員會同敝處所派之員同往勘估爲是祈核示
昌真

(一〇)東三省總督徐世昌致外務部電

宣統元年正月十一日到
收發電稿

公主嶺交涉委員報告華人馬金有被日本警署拘留旋稱自戕身死請示辦法等情當派員往查得馬金有雖係自戕實因被灌煤油凌虐不過所致尙有被灌未死者二人相與供證查事關日人虐死華民卽應確切驗明以便核辦現又派醫員會同剖驗矣用特電聞昌
真

(一一) 東三省總督徐世昌致外務部電

宣統元年正月十二日到
收發電檔

前因韓王伊藤巡行鴨綠江曾經電聞初聞韓王此舉係徇日人所請爲鐵路築橋等事查鴨綠江係兩國公共之江當飭安東道以禮接待並餽贈土物以盡地主之誼如有關於交涉事件則萬勿退讓頃據該道來電云該道以感冒嗽喘派李道鳳年率同鳳鳳廳談守安東縣吳令交涉局徐守過江迎勞初九日韓王及伊藤等由舊義州抵新義州與我界地方官接晤當轉致派員迎勞之意並餽贈土物韓皇握手致謝伊藤謂久切欽仰恨未得見稱謝殷勤禮成而退當晚六鐘即返韓江探聞韓王此行爲勸導韓人剪髮易服而來並察看築橋情形然晤面時絕未提及此後如議及此事當據約駁論云云特此密聞儻續有舉動當隨時詳達並密籌應付以慰馳廬再探聞伊藤公此次巡閱後即回本國有派寺內陸軍大臣來韓接替所有在韓文武均歸節制之說如果易陸軍大臣到韓其用意所在當可想見尙祈鈞部與樞府密籌之昌真

(一二) 發北洋大臣楊士驥電

宣統元年正月十三日
收發電檔

日買使面稱唐山疫症尙未淨盡春令恐將蔓延現各使公議擬照會本部延請香港日本

醫生精於此疫者前往查驗等語該處疫症曾由尊處派員詳查驅除現查是否尙未淨盡卽飭查明情形妥爲防範可否由我延請香港西醫幫同查驗以免藉口之處統希酌籌電復外務部元

(一三) 專使美國大臣奉天巡撫唐紹怡奏行抵日本調查財政事竣摺

宣統元年正月十三日到
光緒三十四年十一月初十日發

尙書銜專使美國大臣奉天巡撫臣唐紹怡跪奏爲恭報微臣行抵日本調查財政事竣恭摺具陳仰祈聖鑒事竊臣奉教使美並前往日本及歐洲諸大國調查財政所有由滬放洋及行抵日本呈遞國書各日期業已先後電陳在案此次抵日本後自日皇以次接待均爲周備迭與各部大臣會晤深悉現在該國政府對待我國政策委用和平主義以固邦交當將應行提議事宜節次商承外務部相機妥辦至於財政一項先由日皇飭由大藏省大臣隨時接洽臣當卽督率調查各員前往該署詳細諮詢悉心考察旋經大藏省備具節略並現辦章程開送前來臣卽於十月十二日啓程前往美國除將日本財政編譯成冊再行彙案奏呈外所有調查日本財政事竣緣由理合恭摺具陳伏乞皇上聖鑒謹奏光緒三十四

年十一月初十日

宣統元年正月十三日奉旨知道了欽此

(一四)發駐韓總領事馬廷亮電

宣統元年正月十四日
收發電稿

近見朝鮮大東輿地圖共二十二幅合之可成一大幅五彩木版外加錦套首頁中刊大東輿地圖五字隸書上首書當之十二年辛酉下首署古山子校刊該圖頗有裨於中韓界務希即密訪該國輿地攷据家或公私圖書目錄該圖是否官版並攷當之十二年辛酉係何朝代古山子是何姓名迅速電復外務部十四日

(一五)廣西巡撫張鳴岐奏籌認派往日本學額經費業已解清片

宣統元年正月十四日到
光緒三十四年十一月二十六日發

再日本高等五校廣西省奉派學額六名前經將籌認經費情形奏明在案茲查光緒三十四年分桂省應解首年經費日幣三千九百元業已分次解清據派辦政事處司道具詳前來除咨學部度支部查照備案外理合附片陳明伏乞聖鑒謹奏光緒三十四年十一月二

十六日

宣統元年正月十四日奉旨該部知道欽此

(一六)發各出使大臣電

宣統元年正月十九日
收發電檔

此次大行皇帝奉移日本公使來言該國擬派親王前來恭送各使聞之紛紛來詢經告以各國禮意懇摯甚願接待惟旅館一層未能預備此外一切自必格外從優款接如外部詢及希即照此答復外務部皓

(一七)發北洋大臣楊士驤東三省總督徐世昌電

宣統元年正月十九日
收發電檔

中韓通漁事上年四月腊月迭經咨達除山東已咨復暫從緩議外直奉漁業情形如何可否商議此事日本使因日韓通漁章程現將施行詢我如何辦法希妥籌速復爲要外務部十九日

(一八)駐韓總領事馬廷亮致外務部電

宣統元年正月二十日到
收發電檔

伊藤本日乘船歸國謹電達亮二十日

(一九)東三省總督徐世致外務部電

宣統元年正月二十一日到
收發電稿

頃據探報伊藤二十日十時由漢到仁隨帶員弁午時登軍艦回東特聞昌簡

(二〇)出使日本大臣胡惟德致外務部電

宣統元年正月二十三日到
收發電稿

皓電悉已轉告外部據稱容商酌再復云德養

(二一)出使日本大臣胡惟德致外務部電

宣統元年正月二十七日到
收發電稿

外部文稱現派駐韓統監府外務部長鍋島仕次郎與馬總領事商議華商租界章程擬於陽歷三月十日前後開議等語除電馬總領外德感

(二二)駐韓總領事馬廷亮致外務部電

宣統元年正月二十八日到
收發電稿

昨接統監府函稱擬二月十九日前後開議租界事未奉鈞處公文訓條如何照覆乞鈞裁

并電覆亮二十七日

(二三)發東三省總督徐世昌電

宣統元年正月二十九日
收信電稿

來電並陶司所送各電均悉本部與日本伊集院使會議多次彼此爭辨迄無端緒傳電所論各節早已逐層指駁並援引約章聲明案據凡可執以詰難之處無不闡發盡致舌敝唇焦廿七日接議日使始謂奉政府訓條若中國能於他項問題和衷相讓則間島可認爲中國領土惟越墾韓民由中國地方官管理徵稅遇有詞訟則由日領裁判當覆以管理而不能裁判領土仍有名無實擬由中國自行開埠一二處准設領事除往來貿易游歷之人如有案件送歸領事外其領懸韓民應照華民一律辦理彼以日有保韓之責堅不肯讓儘允不阻撓韓民入籍入籍者歸我審判爭之良久似稍有就商之意並請復以節略初五再議查延吉界務日本藉口於中韓未會解決越界侵權用心叵測我雖執理與爭究無實力抵制現既認我領土在彼以爲極大讓步能於裁判權分別通融辦理似可與商結束惟我亦須審度情形量予利益彼此方可合攜撫順烟台煤礦彼引日俄原約我據會議筆記各執一詞彼雖理詘而以該兩礦列在鐵路招股產業項下業已經營斷難讓出合辦一層亦礙

商未就傷允償補商虧照章納稅似此恐非空言所能爭回惟有酌加限制並與聲明礦外行政主權悉歸中國以示維繫至日使要求吉長至會專一路別有用意彼請合辦我擬各造各路自行管理此不過預爲提議並非急於興辦天寶山礦彼請照舊中日商辦如無釋體合辦似尙可行奉天車站日使並不峻拒惟意在合站究以何爲便應由尊處酌核新法路事迄將不損南滿路利益不並行各節反覆申辦彼仍堅執無轉圜之意此事如何對付執事當有成竹尙希密示以便因應至大石橋係已成之路且里數太短似不足相抵也以
上各節本部就歷次會議情形斟酌歸宿辦理事關東省大局必須內外協商期於有濟卽希切實妥籌詳速電復以憑下次與日使磋商外務部誌

(二四) 發出使日本大臣胡惟德電

宣統元年二月初一日
收發電稿

成範電悉韓國華商租界章程已札飭馬總領事照會統監府開議外務部東

(二五) 東三省總督徐世昌致外務部電

宣統元年二月初二日到
收發電稿

頃接吉撫來電據陶杏南電稱外部與日使交涉界務各節日本明知無證據足以爭我領

土不過借界務爲前提以圖我吉林南路之權利彼意我必首重領土故於界務之外預爲提出多條俟歸結時彼既明以領土歸我則我必應以其他權利稍以讓彼但求得其一則彼在吉林南部之勢力已有根據卽可以漸謀擴充故我此時與彼交涉當將界務權利兩事畫分清楚倘以礦產鐵路裁判權等事混入界務與之反覆辨論始自堅守不讓終且因牽併各條相持不下界務未能解決勢不得稍讓步以圖了事遂隨彼術中竊謂彼因界務所提出各條有決難通融可絕不與交涉者三有稍可通融而必安定限制者一如裁判事與領土同一主權領土既爲我有安有裁判權可讓他人之理此無待深辨者如天寶山銀礦初時程光第開採虧本到上海等處招誘外人入股後遂私合日商同夥採辦經昭常及吳綬卿查知封禁有案自前年程光第畏罪潛逃當將山內工人遣散飭巡警憲兵隨時在山口駐守巡邏不准外人闖入雖日商所立之中和公司於六道溝縣有招牌未肯甘心歸國而此事屢經辨論皆據理力爭而止現綬卿及周維楨皆在京請外部面詢當知底細總之無論日商是否與程光第立有合同均係私人交際彼此政府皆未與聞程光第私引外人開辦官礦我政府自宜加以應得之罪該日商與程某有何輕重應直接惟程某是問不與彼此政府均無關係與界務內無關涉且天寶山去越墾界地甚遠亦非國界所能牽連

日後不論如何開辦決非此時問題所應提及我先稍有合辦語氣彼即得因而要挾界務愈難定局如吉省接會事鐵路尤與界務問題相離太遠我是否願與韓國交通此項鐵路日後是否開辦應由我之自主日韓人皆無要求借款合辦之權今日人突然牽涉及此彼豈不自知於理未合特姑提出爲嘗試之計並爲後日要挾之張本我倘未能嚴詞謝絕但爲推諉或云緩辦則彼即探得我之口氣以爲論據借款合辦二者勢必爭得其一方能快意即令爭之不得亦必要求於此次界約內預立案據以爲異日提議地步則以後之損失殊多矣且日使謂爲行軍計深望此路之合辦云云則更欺我太甚彼此時無端及此已屬不情乃明言欲於我境內爲行軍而修鐵路其意云何豈尙稍可承認耶以上三端係宜即時拒絕而斷不可持爲正當論據者則僅保護韓民一事故自齋藤入境屢次交涉當無可辨論之時則只得專以保護韓民爲言是保護韓民一節已不啻爲彼政府及彼國人心目所共認爲已得之權利我若並此而一概排斥彼全無餘地必不肯甘以我國勢恐難辦到故通商開埠及設領事保護韓僑各節當交涉結果我之領土主權果全無損失此層似可酌量應允惟言開埠則如何開放須由我自主言保護則墾民韓僑尤須先爲辨明稍有不審貽誤實甚前致梁燕孫二電於此二事辨之頗詳可請外部查核以備參考此則可稍通

融而必妥定限制者也日人牽引多端冀欲此讓則彼進彼讓則此進此外交最狡猾之手
段觀日使謂中國如將各條允讓日本亦可於延吉事退讓二語其意可知似宜分別各事
逐漸交涉不宜相提並論以中彼奸狡之計祈並將此意電商外部云云俾會議時執爲論
據爲騰等語昌細譯所陳各節情形不爲無見合將原電轉布台察伏希鈞部核奪以備參
考爲荷昌東

(二六)東三省總督徐世昌致外務部電

宣統元年二月初三日到
收發電檔

駐電謹悉大部與日使辨論各節極中懇繁日使既認延吉爲中國領土足見彼無確實證
據難與我爭特欲藉此以獲他項利益至允我徵韓民之稅而斬我裁判之權是直欺弄童
稚之言領土與裁判權豈可離而爲二倘韓民不服徵稅我將何法以處之伊始終以保護
韓民爲詞又允以後不阻韓民入籍查光緒十六年經吉林將軍奏明越墾韓民納租服我
法權多歷年所何以均無異言至韓民入籍彼必以我國無明文相詰難查國法通例有成
法則守成法無成法則守命令國家宣布命令條例歷辦多年豈能一旦強爲攘奪且現查
韓民蓬髮易服供我使役服我政教者甚多若聽彼裁判漫無限制不但必多生枝節而土

地亦難完全此裁判權之萬不可輕棄也均部於此層辨駁極當務望堅持到底卽許以擇地開埠設領事亦須設法限制撫順烟台煤礦列入鐵路招股產業其狡謀在彼豈能強我遷就如實無轉圜之法讓彼自辦亦應予我格外利益緣我係地主除華商用過資本應令照該商歷年經營損失所有數目補給外該礦所得之利應以七成自得三成歸地主至於煤厘稅捐及一切應納之款應照開平臨城井陘辦法允我派員稽查一切撫順烟台雖大我相同仍宜分別核辦此層乃不得已未著如能堅持仍以會辦爲是會事一路斷難承認彼此時亦未能遽行修築特欲借此伏線爲將來包舉吉林之計宜直截拒絕之若語氣稍鬆彼或要求載入此次會議祇牽涉一語則後患無窮况日俄訂約第七條載如彼此在東三省經營鐵路係專爲商務不得爲行軍作用此約曾送我政府存案今日使悍然以軍用爲言無理孰甚若口氣稍鬆允修此路則吉林南部奉天東路皆非我有而紳民起而詰問何辭以對應請鈞部一併嚴駁天寶山礦彼請照舊合辦不知程光第私串日人政府並未允許照舊合辦等語從何而生程光第現經逃匿正在緝拿所立合同豈足爲該員前亦勾結美商尙許日合辦將來何以答美必更生無數謬前輔電覆陶司甚詳乞垂詢之總之會寧路天寶礦皆在界務問題之外日使強爲牽連決難應允奉天車站將來甚有關係必以

分辨爲宜新法路彼既堅執我當另籌辦法大石橋里數雖短然明載約章應即撤去彼即阻我新法之路我亦應迫使撤去究於南滿利益稍有影響彼未見甘心割棄也以上各節謹就管見所及詳細抒陳前覆陶司使電並轉陳簡帥電想均邀鑒及統希鈞裁示遵爲幸
昌鎮

(二七)發東三省總督徐世昌電

宣統元年二月初三日
收發電稿

東電悉詳譯吉撫所擬各節其延吉裁判吉長至會甯鐵路及保護韓氏等事本部意見大致相同當已分別與商惟天寶山礦彼現但請合辦並未牽及國界如不問程光第前案但從今始官與合辦妥立合同一切遵我憲章似尙可行尊意以爲何如下次議期在即盼電所商各節應准應駁希即逐條籌擬迅速電復爲盼外務部江

(二八)東三省總督徐世昌致外務部電

宣統元年二月初四日到
收發電稿

江電敬悉合辦天寶山礦一節查從前美人會有此請已力拒之此時若允日人恐美人責我甚難對付况允日合辦渠必招致多數日民到彼現在韓僑問題未結豈不膠轕愈多且

日辦礦勢必藉口干涉地方行政主權如撫順覆轍可爲殷鑒總之此項問題與閩島界截然兩事閩島尙無歸宿辦法不必因此又生枝節按天寶山係著名佳礦外人垂涎已久總宜設法自行開採以免利權外溢鄙見日使所請合辦一節似萬難答應是否仍希鈞部核奪至駭電垂詢各節昨已逐條電陳諒邀鈞督統希鑒籌爲荷昌支

(二九)東三省總督徐世昌致外務部電

宣統元年二月初四日對
收發電檔

天寶山礦一案前飭吉省抄寄案卷以憑彙呈察核茲據節要先行電寄前來內稱飭查天寶山銀礦於光緒十六年經前吉林將軍長委候選通判程光第踏勘集股一萬兩試辦十七年奏明立案二十二年因其虧銀五萬餘兩經前將軍延查明封禁二十七年該倅復與美商薩達理等訂立草約稟明先將軍長批准逾限未辦經前署將軍富追銷旋因所虧公款未繳復經前署將軍達將該奏倅參雖設法彌補開復原官並未札委續辦三十三年朱前署撫蒞任程光第復請開採未予准行繼因其違諭私開卽飭查禁該倅潛赴安東縣與益昌號華商李長城暨中和公司日商中野二郎串通捏詞報告日本外務大臣轉電駐吉日領事島川以日人與華人已訂合同之事業而用暴力命其中止未免不當等因照會當

答以此項合同未據程光第稟明亦未經本部院批准指之法律上契約之性質應行取消即無效力復據該領照稱兩國界務未定以前應令維持現狀又答以未奉批准之合同是爲私人交涉中野即欲維持現狀亦祇能以私人資格詰問程光第與國際問題無關與界務問題更無關厥後日領多方挾制均各據理駁覆程光第已再詳參現尙在逃未獲等語除俟全案抄到再行寄呈外特此奉達請先接洽又前奉鈞部飭查捕俄國兇犯事查此案業於上月杪准駐省俄領照請允其派兵入境追捕當由交涉司照覆駁阻但允照電飭環延寧三處地方官從嚴搜捕一面分電飭捕就獲之後查明是否國事犯再行核飭遵照在案特聞昌支

(三〇)發北洋大臣楊士驥電

宣統元年二月初四日
敬發電檔

中韓通漁事上月十九日部電計達現據駐韓總領事呈報韓政府現訂漁業法本年四月一日實行非有特約國之人民不得在韓國營漁云此事山東暨東三省均復稱可暫從緩議直省如何希妥籌速復外務部初四日

(三二) 吉林巡撫陳昭常致外務部電

宣統元年二月初六日到
收發電檔

支復電想邀鈞覽前據施道歌電稟稱查日國係新設領署自與平日更換領事不同費領初到哈時求見職道尙在未曾奉文之先職道復以俟文到當照章接待此乃各國通行之例也再職道初到哈時曾有本埠奧商備正式公文自稱奉奧領事請按領事例接待等語職道看其情形可疑函詢天津奧領據復稱尙未奉本國政府批准請作罷論云云故此大費領先來求見不得不格外慎重嗣奉憲札業已接待請復部等因謹以奉聞昭常謹肅
魚

(三三) 北洋大臣楊士驥致外務部電

宣統元年二月初八日到
收發電檔

中韓通漁事上年四月准咨飭議當以直境漁船遠出黃海前往韓國京畿平安等道海界捕魚者甚少互換通漁無益直民漁業仍宜各守各界以保海權等情咨復在案十二月間奉續咨後復飭漁業公司孫道多森詳議嗣接本年正月寄電又加派何臬司津海關蔡道會同妥籌速復昨據詳稱山東漁業公司開辦未久規模粗具遠議互換窒礙殊多自以緩議爲是直省漁業亦未發達情形相似應仍前議從緩既保我國主權並顧全小民生計等

語正在核辦適准支電奉省議緩與直相同士驥熟察北洋各
東奉天距韓較近既擬從緩通漁直境亦宜俟漁業發達時重
復外護先電陳士驥初八日

(三三) 發浙江巡撫增韞電

宣統元年二月初八日
收發電稿

日本使送來節略稱准駐杭日領電現有華人盜賊入日租界
撫援引華文上海會審章程謂被害日人不到案不在會審之
等案件無論日人到案與否應歸會審查上海會審洋文章程
會審以重法規等語此案應否會審希即查照成案核辦電覆

(三四) 浙江巡撫增韞致外務部電

宣統元年二月
收發電稿

庚電敬悉杭州日租界棧房日商失盜一案經省城巡警總局
日領事索犯會審查上海洋涇濱設官會審章程凡遇案件牽
事官會同委員審問或派洋官會審當告日領事此案洋人既

再三爭執因電詢滬道此案應否會審旋據復稱上海凡遇牽涉洋人案件向在公廨會審即人犯在租界外或在內地拏獲既事涉洋人仍由公廨會同西官訊理等語於洋人必應到案一節含混不叙與原定章程微有不符浙省似仍應以定章爲憑當令日領事飭縣將賊犯解交租界由理事委員自行審訊日領事仍不承認致濱鈞聽查此案日領以上海辦法爲詞浙省以華文章程爲據以致相持不決應請商之日使請飭被竊日商到案即允會審敬乞電示增韙佳

(三五) 出使日本大臣胡惟德致外務部電

宣統元年二月十一日到
收發電稿

魚電悉已密電神戶領事就近派員赴名古屋落密探德真

(三六) 駐韓總領事馬廷亮致外務部電

宣統元年二月十四日到
收發電稿

漁業事上年十二月本年正月先經申稟計達鈞處昨據鍋島云鈞處告日使言未接總領事稟報禁期已迫請電催等語奉直能否通漁乞查明電復亮十四日稟

(三七) 山海關副都統儒林奏酬應各國聯軍動用款項繕單呈覽摺

宣統元年二月十六日到
宣統元年二月初十日發

山海關副都統奴才儒林跪奏爲酬應各國聯軍動用款項謹繕清單恭摺奏聞仰祈聖鑒事竊察前任副都統倭恆額奏酬應各國聯軍動用款項由津海關道按年撥銀五百兩作爲酬應聯軍之用等因奴才到任接辦會將光緒三十三年用過酬應聯軍款項數目開單具奏並聲明察看情形此項銀兩仍難裁減仰懇天恩仍准照舊由津海關道先行撥銀五百兩作爲光緒三十四年酬應聯軍之用等因具奏接奉硃批該部知道單併發欽此欽遵在案茲察光緒三十三年酬應聯軍項下贖存庫平銀十九兩三錢四分由山海關兵備道衙門轉由津海關道領到庫平銀五百兩二共庫平銀五百十九兩三錢四分察山海關駐有英法日本三國聯軍交往和美時常互相設筵邀請遇有換班或啓行之際均須隨時設筵邀請以便交涉而敦睦誼又去歲英法提督並俄德義墨等國大小官員來關過夏者比之往年尤見衆多來往交涉較前愈繁酒食酬應更見加增所有酬應一切費用奴才極力撙節由光緒三十四年正月起至十二月底止動用過庫平銀四百九十八兩二錢二分因無例可循礙難造冊謹將用過款項數目援案開具清單恭呈御覽合無仰懇天恩俯准仍

照舊章作正開銷其下贖銀二十一兩一錢二分奴才察看情形此項銀兩仍難裁減惟有仰懇天恩仍准照舊支領察現在山海關道衙門稅務既已規復舊章應請由該道先行撥銀五百兩作為本年酬應聯軍之用即勿庸轉由津海關道支領以歸簡易容俟奴才隨時察看情形揮節動用能否裁減再行恭摺具陳所有光緒三十四年酬應各國聯軍動用款項謹繕具清單理合恭摺具奏伏乞皇上聖鑒訓示謹奏宣統元年二月初十日

(三七) 附件一 支應聯軍各款清單

謹將支應聯軍各款開具清單恭呈御覽

計開

- 一 酬應聯軍香冰等酒席筵七次每次四十兩共二百八十兩
- 一 備買洋酒九十六瓶每瓶一兩四錢共一百三十四兩四錢
- 一 備買洋糖洋煙洋點心等項共六十四兩七錢
- 一 添換洋式椅子酒杯等件共十九兩一錢二分

共用過庫平銀四百九十八兩二錢二分

硃批覽

(三八)發駐韓總領事馬廷亮電

宣統元年二月十七日
收發電檔

中韓通漁事先後准東督直督電復各該省漁船往韓捕魚者甚少可暫從緩議等語此事關係甚大自未輕於議訂日使屢以見詢亦均設詞應付惟日韓所訂章程辦法何者違礙中韓條約損害我國漁船生計將來有何挽救之法仍希詳查酌擬電復以便核辦外務部十七日

(三九)欽差大臣東三省總督徐世昌請賞給日員寶星摺

宣統元年二月二十日到
宣統元年二月十五日發

欽差大臣東三省總督兼署奉天巡撫郵傳部尚書臣徐世昌跪奏為籲懇賞給日員寶星以篤邦交而昭獎勵恭摺具陳仰祈聖鑒事竊臣於上年八月間前赴旅順會晤日本陸軍大將子爵大島義昌藉以聯絡睦誼該子爵暨文武官員竭力歡迎中日邦交益徵親密查

光緒三十三年七月該子爵來奉後會將本省接待各員分別贈給
等款待情意真摯事同一律又南滿洲鐵道株式會社前總裁現遜
平從前時常由大連到奉商辦一切事務極力維持邦交新總裁中
敦崇睦誼凡遇本省因公來往人員運送軍隊軍械推誠照料相待
藤新平由日本特派專員前來酬接並由中村是公格外款接異常
異以示朝廷輯睦邦交之至意除大島義昌前已蒙恩頒賞外茲謹
擬等第繕具清單恭呈御覽如蒙俞允請旨飭下外務部照式製就並
給佩帶所有請賞日員寶星緣由除咨外務部查照外謹恭摺具陳伏
奏宣統元年二月十五日

宣統元年二月二十日奉硃批著照所請外務部知道單併發欽此

(三九) 附件一 請賞給寶星之日員職名及分擬等第清單
謹將日本文武各員職名分擬寶星等第繕具清單恭呈御覽

計開